



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Trutz Nachtigal/ oder Geistlichs-Poëtisch Lust-Wäldlein**

**Spee, Friedrich von**

**Cöllen, 1672**

Christ-nächtliche Ecloga/ oder Hirtengespräch/ darinn zween Hirten/  
Damon vnd Halton das Christkindlein besucht haben/ vnd gegen ihm mit  
Liebe befangen/ auch ihren Brand entdecken.

**urn:nbn:de:hbz:466:1-43773**

Zur Erden aussen gucken  
 Die Blümlein tausentfalt.  
 Auch werdens gahn herumher/  
 Spazieren immerdar/  
 In ewig grünem Sommer/  
 Die wandend wässer klar.  
 15. Ja gar von Honig-waben/  
 Von süßer Milch/zu hand  
 Die Bächlein werden traben/  
 Durchs new gelobte Land/  
 Von Wolcken ab wird stießen  
 Der lieblichst Güterer Erant/  
 Die Schäflein werdens niessen/  
 Vnd sämplich sagen danck.  
 16. Auff/auff dan/an zu betten  
 Das gülden schönes Kindt:  
 Auff/auff zur Hirten Metten/  
 Du frommes Feld. Gefündt.  
 Ihr fromme Schaffer-schaaren/  
 Zusampt der weissen Zucht/  
 Euch/euch soll widerfahren  
 Das Heyl vorlängst gesucht.

Christ-nächtliche Ecloga/ oder Hirten-  
 gespräch/darinn zween Hirten/Damon  
 vnd Halton das Christkindlein besucht.  
 Haben/vnd gegen ihm mit Liebe be-  
 fangen/auch ihren Brand  
 entdeckten.

Der Hirt Damon hebet an.

Ich Halton/lieber Halton mein/  
 Wen schatz han wir gefunden?

G 5

Wen

Zur

Wen Schatz in hohlen Krippelern/  
 In Wundlern eingewunden?  
 O Gott/wie schönes Kindelein!  
 Wie gülden-gelb an Haaren!  
 Wie Perlen-weiß an Auglein!  
 Kein Jung mag offenbahren.

Der Hirt Halton

Ach Damon/liebster Damon mein/  
 Als wir den Schatz gefunden/  
 Den Schatz in hohlem Krippelern/  
 In Wundlern eingewunden:  
 Das Kleinlein ich in armen-band/  
 Wolt ihm die Wanglein küssen/  
 Da nehet ich die Bieg zu hand  
 Mit zarten Augen Flüssen.

Damon.

Auch ich als ihm wolt pressen ein/  
 Auff seine purpur Wangen  
 Eindreyfach duppels Mündelein/  
 Mir Zähne von augen sprangen/  
 Doch ließ ich nit mich schröcken ab/  
 Mit keiner Augen Flüssen;  
 Ja mehr ich ihm der Bäcklein gab/  
 Und mehr vnd mehr thät küssen

Halton.

Auch ich nit hab mich treiben laß.  
 Von seinen Wanglein beyden:  
 Ich satt ließ meine Leßken gan  
 Aldort in Rosen weiden.  
 So frisch die saugend Lämmerlein  
 Noch nie zum rüsten sprangen/  
 Als ließen frisch die Leßken mein/  
 Zur Weid auff seinen Wangen:

Da

Damon.

Ach Halton/als ich immerdar  
 Das Kind wolt lieblich pressen/  
 Vnd ihm die Wänglein also gar  
 Mit Bäcklein ab wolt messen/  
 Es gleich mit süßem Honig-mund/  
 (O wie was freundlich possen!)  
 Mich hat mit süßem Pfeil verwundt/  
 Mit süßem Pfeil durchschossen.

Halton.

Ach Damon/als auch ebenfals  
 Das kleinlein ich thät fassen/  
 Vnd ihm von Augen/Stirn/vnd Hals  
 Der Bäcklein satz wolt prassen/  
 Es mir mit gleichem Herten-Gewr  
 Thät Marck/vnd Bein verlegen/  
 Dem Brand nun sind ich keine sterck  
 An keinem Ort/nach Plätzen.

Der Damon.

Ihr Hirten auff gemeinem Felde/  
 Soll jemand Gewr begehren:  
 Nur mir es gleich werd angemelt/  
 will ihm dan gnug bescheren.  
 Des Gewrs ich gang im Busen trag/  
 Vnd lebt in rothen Kohlen/  
 wer sein bedarff/mirs fecklich sag/  
 Mags hte zur Nohturfft holen.

Der Halton.

Ihr Hirten/solt auch jemand sein/  
 so reinen \* Born kãm suchen?  
 weist ihn gerad zur Hütten mein/  
 An jener grüner Buchen.  
 \* quellendes wasser.

G 6

Ms

Als bald ich ihm dan geben wil  
 Horn/ vber Horn zu rieffen/  
 So stündlich mir in aller still  
 Von augen ab kombt fließen.

Der Hirt Damon.

Das Fwur in meinem Herzen süß/  
 Das fwur in Marck vnd Beinen/  
 Wolt Gott michs ewig quelea müß/  
 Mit seinen süßen Peinen.

Ganz wol mir ist bey solcher Pein/  
 Bey süßem Brand vnd wuadens;  
 So mir gemacht das Kindel in  
 Im Kripplein eingebunden.

Der Hirt Halton.

Die Flüs von meinen augen beyd/  
 Die beissent wasser-stralen/  
 Auch kräncken mich mit süßem leyd  
 Mit sanfft vnd süßen Qualen.

Wolt Gott / auch bleibens allemahlt  
 In stättem Lauff vnd Rianen/  
 Ganz wol mir ist bey solcher Qual/  
 Bey feuchtem Hirn vnd sinnen.

Der Hirt Damon.

O Gott/wie schönes Kindelein!  
 Ich sein werd nie vergessen:  
 Ich stäts werd in Verlangen seyn/  
 Wer liebt/mags mir ermessen:  
 Nach ihm nun werd ich seuffzen stäth/  
 Wan früh die Sonn sich hebet/  
 Auch wan sie späth zu gnaden geht/  
 Vnd müd in Westen schwebet.

Der Halton.

O Gott/wie schönes Kindelein!  
 Nach ihm ich werd verlangen/  
 Wan Mon vnd alle Sternen rein  
 Zuffrunden Wiesen prangen.  
 Nach ihm ich werd mit Lieb verwundt/  
 Beyd Arm vnd Hert; erstrecken/  
 Wan zeitlich auch die Rosen-stundt  
 Den Tag vns anfombt stecken.

Damon.

Von ihm bey meiner wiffen Herd/  
 Bey meinen Schaff vnd Geissen/  
 Ich offt vnd offt nun spielen werd/  
 Vnd manche Seiten schleiffen.  
 Mit Setten wil ich kleiden an  
 Die Keyren/Harpff vnd Geigen/  
 Vnd ihm zu Lieb auff grünen Plan:  
 Der stücklein vil noch zeigen.

Halton:

Auch ich zu Lieb dem Gottes Kind  
 Will offt auff runden Pfeiffen/  
 Mit süßem blasen manchen wind  
 Zu runden Redlein schleiffen:  
 Der Pfeiffen ich noch sieben hab/  
 Von lauter Horn vnd Beinens:  
 Ein Hirt sie mir zur legen gab/  
 Vnd warlich weichens keinen.

Damon:

Wan dan die Geiffen steigen an  
 Zum Felsen hoch vnd hauffen/  
 Vnd weiches Laub/so für ihut gahn/  
 Von zarten stauden rauffen:

B 7

Wi.

wil nur von Jesu spielen dar/  
 So werd ichs wunder locken/  
 Vnd werdens klummen ohn Gefahr  
 Auff ihren Hörnen socken.

Halton.

wan dan die Schäßlein ebenfals  
 Den flachen Grund bescheren/  
 Dr jenseit eines hohen Thals  
 Gahn weiden in der fernn/  
 wil auch von Jesu spielen ich/  
 wil nur von ihm erkennen/  
 So werdens gleich versämen sich  
 Vnd mir zum Händen springen.

Damon.

wan auch zur heissen Sommerzeit  
 Begrille mit Hirnen-mücken/  
 Die Böck in stolzem Stirnen streit  
 Mit Köpfen sammen rücken/  
 Wil ich von ihm noch spielen auff/  
 Nit werdens weiter zörnen:  
 Ich weiß/ dan gebens besser Kauff/  
 Der Streit fällt ab von Hörnen.

Halton.

wan auch der Bößwicht vngewor  
 Solt je zum wäiden kommen/  
 Die Schäßlein mir zu machen thew  
 Vnd kürzen mir die Summen;  
 Von Jesu wil ich spielen schnell/  
 Der Schaldt wirds lassen bleiben;  
 Vnd ob nun Hund/ noch Hündlein bell/  
 wil ihn doch gangsam treiben.

Der

Der Hirt Damon.

Wan auch dan werden jezumah!l  
 Die warme Wolcken brommen/  
 Vnd rother Blitz vnd Donner-straaß  
 Gehn vns mit Kräfte kommen/  
 Von Jesu wil ich spielen gleich/  
 Die schäfflein ihm befehlen;  
 So werd ich ihrer nach dem streich  
 Wol eben viel noch zehlen.

Der Hirt Halton.

Wan auch die schäfflein vbel auff  
 Sich jemahl solten legen/  
 Vnd auff dem Feld mit holem Bauch  
 Der Waid/noch Brunnen pflegen;  
 Wil ich von Jesu spielen an/  
 Bald werdens wider grafen;  
 Bald wider weiblich scheren gahn  
 Auff blumenreichen wasen.

Der Hirt Damon.

Von Jesu wil ich vberall  
 In Feld vnd Waiden singen/  
 Von ihm soll schall vnd widerschall  
 In lufft vnd Klufften ringen.  
 Doch Halton schaw/dan meine Reym  
 Zusampt dem Tag ermatten:  
 Laßt vnser Herd nun fähren heim/  
 Vnd ihr die Ruh gestatten.

Der Hirt Halton.

Ja Damon/schaw dan meine Reym  
 Schon auch es mir versagen/  
 Drum so nur du wilt treiben heim/  
 Mit muß es mir mißhagen.

Auff



Auff/auff/ ihr meine lautbar Hund/  
 Die Schaff thut sammeln beßen:  
 Vnd allgemach bey guter stund  
 Begleitet sie zur Ställen.

Ein kurz Poetisch Christ. Gedicht vom  
 Ochß vnd Eselen bey der  
 Krippen.

1. **D**er Wind auff lären strassen  
 Streckt auß die Flügel sein:  
 Streicht hin gar scharpff ohn massen/  
 Zur Bethlems Krippen ein;  
 Er brummet hin vnd wider  
 Der stegend Winter Gott:  
 Greiffst an die Glack vnd Glieder  
 Dem frisch vermenschten Gott.
2. Ach/ach/ laß ab von brausen/  
 Laß ab du schöner Wind:  
 Laß ab von kaltem sausen/  
 Vnd schon dem schönen Kind.  
 Viel mehr du deine Schwingen  
 Zer Schlag im wilden Meer/  
 Allda dich satt magst ringen  
 Kehr nur nit wider her.
3. Mit dir wirt muß ich kosen/  
 Mit dir/ O Joseph mein/  
 Das Futter misch mit Rosen  
 Dem Ochß vnd Eselen/  
 Mach deinen frommen Thieren  
 So lieblichs misch Gemuß/  
 Bald/bald/ ohn Zeit verlieren/  
 Mach ihn den Athem süß.
4. Drauff blaset her/ ihr beyden/